




# E KONFLIKTO INMINENTE

Lès 11 pa Yüni 15, 2024




" Santifiká nan dor di Bo  
bèrdat. Bo palabra ta  
bèrdat"

(Juan 17:17, NKJV)

Pa siglonan, e guera entre Kristu i Satanás a sentralisá riba adorashon. Adorando Dios, òf adorando kualke otro kos ku ta desigurá e konsepto di Dios Su karakter.

Dor di presentá un konsepto falsu di Dios, Satanás a logra pa huza hendenan, iglesianan i estadonan pa destruí kualke hende kende ta desea pa adorá e Kreador.

Bèrdatnan fundamental, manera Dios Su Lei, a wòrdu desformá òf asta (den e kaso di e Sabat) kasi lubidá. E último bataya lo drai rònt di bèrdadero adorashon riba e dia bèrdadero. Laga nos topa ku e podernan ku Satanás lo huza pa e último bataya aki.



**E konflikto:**



**E adorashon.**



**E intoleransia.**



**E enemigu:**



**E trono di e dragon.**



**Un herida saná(kurá).**



**Lamchi i dragon.**

The image features a purple-tinted illustration of an unrolled scroll. The scroll is held open by four wooden rollers, one at each corner. The paper of the scroll is a light, textured purple. In the center of the scroll, the text "E KONELIKTO" is written in a bold, 3D, blocky font. The letters are a darker shade of purple and have a slight shadow beneath them, giving them a three-dimensional appearance. The overall style is reminiscent of a hand-drawn or watercolor illustration.

# E KONELIKTO

# E ADORASHON

**“Bo ta digno, nos Señor i nos Dios, pa risibí gloria i onor i poder,  
Pasombra Abo a krea tur kos, i pa medio di Bo boluntat nan a wòrdu kreá i nan tin nan eksistensia”**

**(Revelashon 4:11)**




**Sernan selestial ta adora Dios pa Su poder creativo (Rev. 4:11; Jòb 38:6-7).**

**Dios ta presentá Su mes komo Kreador i Redentor pa risibi nos adorashon (Isa. 45:6-7, 18-20; 65:18).**

**E mensahe ku a wòrdu proklamá na e último generashon ta invita e mundu pa adora Dios komo Kreador (Rev. 14:7).**

**Pa su parti, Satanás ta desea pa optene e adorashon di e mundu ku “ bestianan ” na kual é ta duna poder pa “ krea ” un imagen dor di kual é por risibi adorashon universal (Rev. 13:2, 4, 14-15).**

**No ta sorprendente ku Sabat ta e punto di kontroversia den tal tempunan. Esnan kende “ ta warda e mandamentunan di Dios i e fe di Hesus ” (Rev. 14:12) ta ador’É riba e dia ku ta konmemorá Su Kreashon.**



# E INTOLERANSIA

“ Nan lo saka boso for di snoa; en realidat, e tempu ta biniendo ora ku kualkier hende kende ta mata boso lo pensa(kere) ku nan ta ofresiendo un sirbishi na Dios ”  
(Juan 16:2).



Nos lucha no ta físiko, pero spiritual (Efe. 6:12). Nos no ta huza armanan físiko, pero esnan spiritual (2Kor. 10: 3-5). Sinembargo, e enemigu no ta vasilá pa huza armanan físiko kontra di nos.



No ta en vano ku tin un “ ai ” pa e fielnan, debí na Satanás su atake feros kontra di e iglesia fiel (Rev. 12:12). P’é, kualkier arma ta valido.

E ta tenta nos dor di nos inklinashonnan (Santiago 1:14)

E ta konvensé nos ku astusianan (2 Kor. 4:3-4)

E ta huza hendenan serka(íntimo) (Mat. 10:34-36)

E ta dal i ta menasá (Echonan 5:40)

E ta huza violencia ekstremo (Juan 16:2)

Asin’aki el a aktua den historia, I esaki lo ta kon su último atake lo ta: desepshonnan i astusianan (Rev. 13:13-14); imposishon di sankshonnan ekonomiko (Rev. 13:16-17 ); dekreto di morto pa esnan pa esnan kende no ta ador’é (Rev. 13:15).



**E ENEMIGU**

# E TRONO DI E DRAGON

“ E dragon a duna e bestia su poder i su trono i gran outoridat ” (Revelashon 13:2b NIV )

E ragon ta wòrdu identifiká komo Satanás (Rev. 12:9), mientras ku e bestia, dor di kual é ta ehersé su poder, ta wòrdu identifiká ku e di kuater bestia di Daniel 7 (kual ta sigui e leon, e ber i e leopardo, cf. Rev. 13:2).

Revelashon 13 ta un splikashon amplifiká di kapítulo 12. E ta kuminsá despues di e esfuerso pa mata Hesus, i Su siguiente asenshon despues (Rev. 12:3-5). E promé vèrsnan ta ekspandé riba e atake riba e iglesia ariba e 1,260 añanan, mientras e sobrá ta fiha riba e eventonan ku a sosodé ora ku “ e dragon tabata yená ku rabia kontra di e muhé; I el a bai pa hasi guera kontra di e restu di su desendientenan ” (Rev. 12:17).



Despues di e invashon di e tribunan salbahe, e Imperio Romano, a wòrdu dividí. Poko poko, e laman di Roma a wòrdu lagá den e mannan di e iglesia, kual di e manera ei a atkerí e poder politico ku a permitié pa bira e poder blasfemo ku a persiguí e iglesia fiel (Rev. 13:4-8).







# UN HERIDA SANÁ(KURÁ)

“ Esun ku ta guia den koutiverio lo bai den koutiverio; esun ku ta mata ku e spada mester wòrdu matá ku e spada. At’aki e pasenshi i e fe di e santunan” (Revelashon 13:10)

Despues di siglonan di huzando si poder pa “ guia den koutiverio ” i “ mata ku e spada ” (Rev. 13:10), e Iglesia Romano mes a wòrdu guiá den koutiverio ( den e figura di su kabes, Pius VI) i a sufri un “ herida fatal(mortal) ” (Rev. 13:3).

Ounke e Papa a mantené poseshon (doño legal) di e Estadonan Papal te ku 1870, el a pèrdè finalmente tur di su teritorio ora ku e Reino di Italia a wòrdu kreá. Na e tempu ei, tabata parse ku e Iglesia nunca lo rekobrá su poder anterior.

Na 1929, Siudat Vaticano a wòrdu rekonosé komo un estado independiente. E herida tabata kuminsá kura. Y kiko ta bai sosodé for di awor i adelanti?




Segun ku e eventonan final ta desaroyá, un lider mundial lo wòrdu buská pa proponé solushonnan na e krisis global. Entre e pakete di solushonnan ofresé dor di e gobernashon di e Papa di Roma indudabelmente lo inkluí sosiegu di Djadumingo komo un punto fuerte pa e union di famianan, hendenan i nashonnan.



# LAMCHI I DRAGON

“ E ora ei mi a mira un di dos bestia, saliendo for di den e tera. E tabatin dos kachu manera un lamchi, pero e tabata papia mamera un dragon ” (Revelashon 13:11)



E promé bestia a lanta for di e korupshon di e Iglesia ku Hesus a stablesé. Ora ku el a risibí e herida, Satanás a buska un “ profeta falsu “ pa tuma su lugá i a yud’ é kura (Rev. 13:11; 16:13 ). Atrobe, el a haña su aliado for di un nashon ku a sali basá riba e prinsipionan puru di Kristianismo: Nort Amerika.

El a kuminsá dor di imitá Hesus ( e Lamchi ). E ta un nashon republikano ( sin reinan, sin koronanan ), i basá riba e separashon di dos poder ( kachunan): esun sivil i esun religioso.

Komo e promé poder mundial, ya kaba el a kuminsá papia manera un dragon. Pronto é lo kuminsa generá leinan riba asuntunan religioso ku, sosteniendo e gobernashon di e Papa di Roma , lo krea un “ imagen di e bestia ” (Rev. 13:12-14).



**“ E imagen di e bestia aki ta representá un otro organisashon religioso ku tin podernan similar. E imagen ta wòrdu trahá dor di un bestia manera un lamchi. E bestia manera un lamchi aki ta un símbolo di e Estados Unidos, kual ta parse pasífiko i gentil. E iglesianan di e Estados Unidos lo uni riba interesnan komun di fe. E ora ei e iglesianan aki ku a uni lo influensiá e gobierno pa impone leinan religioso i sostene organisashonnan di iglesia. Ora ku esaki sosodé, Merka Protestant lo a forma un imgen di e gobernashon di e Papa di Roma. E ora ei e iglesia bèrdadero lo wòrdu persiguí meskos ku Dios Su pueblo den pasado.”**